

पुरीषमा॒हुतयः॑ समि॒धो वा॒युर्लोक॑म्पृणा तद्वा॒ऽएतत्सर्वं॑ वा॒युमे॒वाभिस॑म्पद्यते त-
 त्सर्वो॒ऽग्निर्लो॑ ॥ २ ॥ द्यौर्हृ॒ त्वे॒वैषो॒ऽग्निश्चितः॑ । तस्या॒प ए॒व परि॑श्चितो यथा ह
 वा॒ऽइदं॑ को॒शः समु॑ब्जित ए॒वमि॒मे लोका॑ अ॒स्वत्तस्तद्या॑ इमा॒लोकान्प॑रेणा॒पस्ताः
 परि॑श्चितो दे॒वा य॒जुष्मत्य॑ इ॒ष्टका॑ य॒दे॒वैतस्मि॑न्लोके॒ऽन्नं तत्सू॑द॒दोहा॑ न॒क्षत्राणि॑ पु-
 रीषमा॒हुतयः॑ समि॒ध आ॒दित्यो॑ लोक॑म्पृणा तद्वा॒ऽएतत्सर्वमा॑दित्यमे॒वाभिस॑म्पद्यते
 तत्सर्वो॒ऽग्निर्लो॑ ॥ ३ ॥ आ॒दित्यो॑ हृ॒ त्वे॒वैषो॒ऽग्निश्चितः॑ । तस्य॒ दि॒श ए॒व परि॑श्चि-
 तस्ताः षष्टि॒श्च त्री॑णि च शता॒नि भव॑न्ति षष्टि॒श्च हृ॒ वै त्री॑णि च शता॒न्यादित्यं॑
 दि॒शः सम॑न्तं प॒रिय॑न्ति रश्म॒यो य॒जुष्मत्य॑ इ॒ष्टकास्ताः॑ षष्टि॒श्चैव त्री॑णि च शता॒नि
 भव॑न्ति षष्टि॒श्च हृ॒ वै त्री॑णि च शता॒न्यादित्यस्य॑ रश्म॒यस्तद्यत्परि॑श्चित्सु य॒जुष्मतीः॑
 प्रत्य॑र्पयति रश्मी॑स्तद्दि॒क्षु प्रत्य॑र्पयत्यथ य॒दन्तरा॑ दि॒शश्च रश्मी॑श्च तत्सू॑द॒दोहा॑ अथ
 यद्दि॒क्षु च रश्मि॑षु चान्नं तत्पुरी॑षं ता आ॒हुतयस्ताः॑ समि॒धोऽथ यद्दि॒श इति॑ च
 रश्म॒य इति॑ चाख्यायते त॒ल्लोक॑म्पृणा तद्वा॒ऽएतत्सर्वं॑ दि॒श इति॑ चै॒व रश्म॒य इति॑
 चाख्यायते तत्सर्वो॒ऽग्निर्लो॑ ॥ ४ ॥ न॒क्षत्राणि॑ हृ॒ त्वे॒वैषो॒ऽग्निश्चितः॑ । तानि॒ वा॒ऽए-
 तानि॑ सप्तवि॒ंशतिर्न॑क्षत्राणि सप्तवि॒ंशतिः-सप्तवि॒ंशतिर्हो॑पनक्षत्राण्ये॒कैकं न॑क्ष-
 त्रमनू॒पति॑ष्ठते तानि सप्त च शता॒नि वि॒ंशतिश्चा॒धि ष॒ट्त्रि॒ंशत्ततो॑ यानि सप्त
 च शता॒नि वि॒ंशतिश्चे॒ष्टका॑ ए॒व ताः षष्टि॒श्च त्री॑णि च शता॒नि परि॑श्चितः षष्टि-
 श्च त्री॑णि च शता॒नि य॒जुष्मत्यो॒ऽथ यान्य॑धि ष॒ट्त्रि॒ंशत्स॒ त्रयो॑दशो मा॒सः स आ-
 त्मा त्रि॒ंशदा॑त्मा प्रति॒ष्ठा द्वे प्रा॑णा द्वे शि॒र ए॒व ष॒ट्त्रि॒ंश्यौ तद्य॑त्ते द्वे भ॒वतो
 द्यक्ष॑र॒ऽह्नि शिरो॑ऽथ य॒दन्तरा॑ न॒क्षत्रे॑ तत्सू॑द॒दोहा॑ अथ यन्न॒क्षत्रे॑ष्वन्नं तत्पुरी॑षं ता
 आ॒हुतयस्ताः॑ समि॒धोऽथ यन्न॑क्षत्राणीत्याख्यायते त॒ल्लोक॑म्पृणा तद्वा॒ऽएतत्सर्वं॑ न॒-
 क्षत्रा॑णीत्ये॒वाख्या॑यते तत्सर्वो॒ऽग्निर्लो॑ ॥ ५ ॥ ता वा॒ऽएताः॑ । एकवि॒ंशतिर्बृ॑ह॒त्य
 एकवि॒ंशो वै स्व॑र्गो लोको बृ॒हती॑ स्व॑र्गो लोकस्त॒देष॑ स्व॑र्गो लोकमभिस॑म्प-